



ხელშეკრულება
საგანმანათლებლო მომსახურების გაწევის შესახებ

ქ. თბილისი

_____ 201 _____ წელი

მხარეები:

უმალღესი საგანმანათლებლო დაწესებულება:

შპს ევროპის უნივერსიტეტი

წარმოდგენილი რექტორის, ლაშა კანდელაკიშვილის, მიერ

და

სტუდენტი

სახელი გვარი / პირადი ნომერი /

საქართველოს მოქმედი კანონმდებლობისა და შპს ევროპის უნივერსიტეტის სამართლებრივი აქტებით დადგენილი პირობების შესაბამისად, დებენ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულება აწესრიგებს „ევროპის უნივერსიტეტსა და „სტუდენტს“ შორის წარმოშობილ ორგანიზაციული და ფინანსური სახის ურთიერთობებს, „სტუდენტის“ „უნივერსიტეტში“ სწავლის პერიოდის განმავლობაში.

1.2. წინამდებარე ხელშეკრულებით სტუდენტი უფლებამოსილია, სრულად და ჯეროვნად მიიღოს უნივერსიტეტისგან საგანმანათლებლო მომსახურება და ვალდებულებას კისრულობს გადაუხადოს უნივერსიტეტს წინამდებარე ხელშეკრულების მოქმედების პერიოდში გაწეული საგანმანათლებლო მომსახურების საფასური (შემდგომში - „საგანმანათლებლო მომსახურების საფასური“) წინამდებარე ხელშეკრულებით გათვალისწინებული წესითა და ოდენობით, ხოლო უნივერსიტეტი, თავის მხრივ, კისრულობს ვალდებულებას, სრულად და ჯეროვნად გაუწიოს სტუდენტს საგანმანათლებლო მომსახურება და მოსთხოვოს მას წინამდებარე ხელშეკრულებით გათვალისწინებული ვალდებულებების სრული და ჯეროვანი შესრულება.

1.3. სტუდენტის აკადემიური საქმიანობა უნივერსიტეტში სწავლის პერიოდში წესრიგდება საქართველოს კანონმდებლობის, შპს ევროპის უნივერსიტეტის სამართლებრივი აქტებისა და იმ საგანმანათლებლო პროგრამის მოთხოვნებით, რომელზედაც სწავლის უფლებას მოიპოვებს სტუდენტი.

მუხლი 2. მხარეთა უფლებები

2.1. „სტუდენტი“ უფლებამოსილია

ისარგებლოს საქართველოს კანონმდებლობით, კერძოდ „უმალღესი განათლების შესახებ“ საქართველოს კანონისა და მისგან გამომდინარე კანონქვემდებარე აქტებით დაწესებული სტუდენტის ყველა უფლებით, მათ შორის, უფლებებით:

2.1.1. მიიღოს ხარისხიანი საგანმანათლებლო მომსახურება, საგანმანათლებლო პროგრამით გათვალისწინებული მოცულობით;

2.1.2. მონაწილეობა მიიღოს ინდივიდუალური სასწავლო გეგმის შემუშავებაში;

2.1.3. მონაწილეობა მიიღოს სამეცნიერო-კვლევით საქმიანობაში;

2.1.4. მოითხოვოს ცოდნის სამართლიანი შეფასება;

2.1.5. დამოუკიდებლად შეაფასოს სასწავლო პროცესი და უნივერსიტეტის მიერ შეთავაზებული სხვა სერვისები;

2.1.6. პერიოდულად მოახდინოს აკადემიური/მოწვეული პერსონალის შეფასება;

2.1.7. თავისუფლად გამოხატოს საკუთარი აზრი ან/და უარი თქვას მისთვის მიუღებელი იდეების გაზიარებაზე, რომელსაც სთავაზობს სასწავლო პროცესის მიმდინარეობისას;

2.1.8. გაწევრიანდეს სტუდენტურ და სხვა საზოგადოებრივ ორგანიზაციებში, უნივერსიტეტის ფარგლებში თუ მის გარეთ;

2.1.9. თანაბარ პირობებში ისარგებლოს უნივერსიტეტის მატერიალურ-ტექნიკური, საბიბლიოთეკო, საინფორმაციო და სხვა საშუალებებით;

2.1.10. მიიღოს უნივერსიტეტში მასზე არსებული ყველა სახის ინფორმაცია კანონმდებლობით დადგენილი წესით, ფორმითა და ვადებში;

2.1.11. საქართველოს კანონმდებლობით დადგენილი წესით მიიღოს ინფორმაცია უნივერსიტეტის საქმიანობის შესახებ.

2.2 „სტუდენტი“ ვალდებულია

- 2.2.1. გაეცნოს და განუხრელად დაიცვას საქართველოს მოქმედი კანონმდებლობითა და უნივერსიტეტის სამართლებრივი აქტებით გათვალისწინებული მოთხოვნები;
- 2.2.2. ისწავლოს უნივერსიტეტის საგანმანათლებლო პროგრამით გათვალისწინებული ყველა სასწავლო დისციპლინა, შესაბამისი პროგრამის მოთხოვნების დაცვით, მონაწილეობა მიიღოს საგანმანათლებლო პროგრამით გათვალისწინებულ აქტივობებში;
- 2.2.3. დაიცვას უნივერსიტეტის სამართლებრივი აქტებით დადგენილი სტუდენტური დისციპლინის, ადმინისტრაციასთან და აკადემიურ პერსონალთან კომუნიკაციის, ეთიკისა და აკადემიური პატიოსნების ნორმები. აღნიშნული ნორმების დარღვევისათვის, დისციპლინარული პასუხისმგებლობა აგოს უნივერსიტეტის მიერ დადგენილი პროცედურის შესაბამისად;
- 2.2.4. გადაიხადოს სწავლის საფასური, ხელშეკრულებით დადგენილი ოდენობითა და პირობებით;
- 2.2.5. დროულად გამოცხადდეს გამოცდებზე და დარეგისტრირებულ სასწავლო კურსებზე უნივერსიტეტის მიერ დამტკიცებული ცხრილის შესაბამისად. ცხრილით განსაზღვრულ გამოცდაზე არ გამოცხადების შემთხვევაში, სტუდენტი ვალდებული წარმოადგინოს გაცდენის საპატიო მიზეზის დამადასტურებელი წერილობითი დოკუმენტი, წინააღმდეგ შემთხვევაში პირი არ დაიშვება გამოცდის აღდგენაზე.

2.3 უნივერსიტეტი უფლებამოსილია

- 2.3.1 დაეგმოს სასწავლო პროცესი, საგანმანათლებლო პროგრამის შესაბამისად, განსაზღვროს აკადემიური აქტივობების ვადები; განსაზღვროს სტუდენტის სასწავლო საქმიანობის, ეთიკისა და დისციპლინარული პასუხისმგებლობის, სტუდენტის სტატუსის მოპოვების, შეჩერებისა და შეწყვეტის, უნივერსიტეტში სასწავლო პროცესის ორგანიზების სხვა წესები, მოქმედი კანონმდებლობის მოთხოვნების დაცვით;
- 2.3.2. მოსთხოვოს სტუდენტს უნივერსიტეტის ღირსებისა და პრესტიჟის დაცვა;
- 2.3.3. მოსთხოვოს სტუდენტს გადაიხადოს საგანმანათლებლო მომსახურები საფასური ხელშეკრულებით გათვალისწინებული წესითა და ოდენობით.

2.4 უნივერსიტეტი ვალდებულია

- 2.4.1. უზრუნველყოს საგანმანათლებლო მომსახურების გაწევა, საგანმანათლებლო პროგრამის შესაბამისად, განხორციელება სტუდენტის მიერ შესაბამის საფეხურზე სწავლის კანონმდებლობით დადგენილი პერიოდის განმავლობაში, თუ აღნიშნული არ ეწინააღმდეგება მოქმედ კანონმდებლობას.
- 2.4.2. უზრუნველყოს უცვლელი სწავლის საფასური, სტუდენტის მიერ შესაბამის საფეხურზე სწავლის კანონმდებლობით დადგენილი პერიოდის განმავლობაში.
- 2.4.3. ხელი შეუწყოს სტუდენტს საქართველოს კანონმდებლობითა და უნივერსიტეტის სამართლებრივი აქტებით დადგენილი უფლებების შეუფერხებლად რეალიზებას, იზრუნოს საუნივერსიტეტო აკადემიური გარემოს განვითარებაზე.

მუხლი 3. საგანმანათლებლო მომსახურები გაწევის საფასური

- 3.1. წინამდებარე ხელშეკრულების შესაბამად - უნივერსიტეტის მიერ გაწეული საგანმანათლებლო მომსახურების ღირებულება მხარეთა შეთანხმებით გათვალისწინებულია _____ ლარით, თითოეული სასწავლო წლისათვის, _____ საგანმანათლებლო პროგრამის კანონმდებლობით დადგენილი ხანგრძლივობის პერიოდის (_____ წელი) განმავლობაში.
- 3.2. სწავლის საფასურის გადახდა ხდება (ნაწილდება) წელიწადში 4 ჯერ,

I ნაწილი	___ ლარი	შესაბამისი სასწავლო წლის შემოდგომის სემესტრის დაწყებამდე (აკადემიური რეგისტრაციის გავლამდე)
II ნაწილი	___ ლარი	შემოდგომის სემესტრის VIII კვირის / შუალედური გამოცდების დაწყებამდე
III ნაწილი	___ ლარი	შესაბამისი სასწავლო წლის გაზაფხულის სემესტრის დაწყებამდე (აკადემიური რეგისტრაციის გავლამდე)
IV ნაწილი	___ ლარი	გაზაფხულის სემესტრის VIII კვირის / შუალედური გამოცდების დაწყებამდე

- 3.3. საგანმანათლებლო მომსახურების წლიური ღირებულება მოიცავს სტუდენტის მიერ 2 (შემოდგომისა და გაზაფხულის) სასწავლო სემესტრის განმავლობაში თითოეულ სემესტრში 30 კრედიტის გავლის შესაძლებლობას, შესაბამისი საგანმანათლებლო პროგრამით გათვალისწინებული მოთხოვნებით.
- 3.4. სასწავლო კურსის განმეორებით მოსმენის შემთხვევაში სტუდენტი ვალდებულია გადაიხადოს სასწავლო კურსის განმეორებით მოსმენის საფასური; საფასური განისაზღვრება სასწავლო კურსისთვის მინიჭებული კრედიტების რაოდენობის შესაბამისად.
- 3.5. მხარეები უფლებამოსილი არიან შეთანხმდნენ სწავლის საფასურის გადახდის განსხვავებულ გრაფიკზე. შეთანხმება აუცილებელია დადასტურებული იყოს ორივე მხარის მიერ და დაერთოს წინამდებარე ხელშეკრულებას.
- 3.6. აღნიშნული მუხლით დადგენილი სწავლის საფასურის გადახდის წესი არ გამოიყენება, თუკი სტუდენტი მოიპოვებს სახელმწიფო დაფინანსებას სახელმწიფო-სასწავლო, სოციალური ან სხვა პროგრამის ფარგლებში გაცემული გრანტის ფარგლებში. აღნიშნულ შემთხვევაში, სტუდენტი ვალდებულია სწავლის საფასურის გადახდის ვალდებულების დადგომამდე წარუდგინოს უნივერსიტეტს ინფორმაცია გრანტის თაობაზე. გრანტით სწავლის საფასურის ნაწილობრივად დაფინანსების შემთხვევაში, ამ მუხლით გათვალისწინებული სწავლის საფასურის გადახდის წესი გამოიყენება სტუდენტის მიერ გადასახდელი თანხის პროპორციულად.

მუხლი 4. ხელშეკრულების ძალაში შესვლა და მოქმედების ვადა

- 4.1. წინამდებარე ხელშეკრულება ძალაში შედის „სტუდენტის“ მიერ „ევროპის უნივერსიტეტის“ სტუდენტის სტატუსის მოპოვების დღიდან და მოქმედებს სტუდენტის მიერ ევროპის უნივერსიტეტში _____ საგანმანათლებლო საფეხურზე სწავლის პერიოდის განმავლობაში.
- 4.2. სტუდენტის სტატუსის მოპოვების, სტუდენტის სტატუსის შეჩერება-აღდგენის და სტუდენტის სტატუსის შეწყვეტის პირობები განისაზღვრება საქართველოს კანონმდებლობისა და უნივერსიტეტის სამართლებრივი აქტების შესაბამისად. სტუდენტისათვის სტატუსის მოპოვების, შეჩერების, აღდგენის და შეწყვეტის თაობაზე გამოიცემა უნივერსიტეტის სამართლებრივი აქტი, რომელიც ეცნობება სტუდენტს.
- 4.3. სტუდენტისათვის სტატუსის შეჩერების შემთხვევაში, მხარეები თავისუფლდებიან წინამდებარე ხელშეკრულებით გათვალისწინებულ უფლება-მოვალეობებისგან. აღნიშნული არ ანთავისუფლებს მხარეებს სტატუსის შეჩერებამდე წარმოშობილ ვალდებულებათა შესრულებისგან.
- 4.4. სტუდენტისათვის სტატუსის შეწყვეტის შემთხვევაში, მხარეები ვალდებული არიან, სრულიად შეასრულონ სტატუსის შეწყვეტამდე წარმოშობილი ვალდებულებები.

მუხლი 5. დავის განხილვა და გადაწყვეტა

- 5.1. მხარეთა შორის დავა გადაწყდება მოქმედი კანონმდებლობის შესაბამისად;
- 5.2. ნებისმიერი ის საკითხი რომელიც არ არის რეგულირებული წინამდებარე ხელშეკრულებით შესაძლებელია გადაწყდეს მხარეთა ურთიერთმოლაპარაკების გზით;
- 5.3. თუკი მხარეთა შორის შეთანხმება ვერ იქნა მიღწეული, თითოეულ მხარეს უფლება აქვს მიმართოს სასამართლოს, საქართველოს კანონმდებლობით დადგენილი წესით.

მუხლი 6. სხვა პირობები

- 6.1. მხარეთა შორის არსებულ ურთიერთობასთან დაკავშირებული საკითხები, რომლებსაც არ აწესრიგებს ეს ხელშეკრულება, რეგულირდება „უმალესი განათლების შესახებ“ საქართველოს კანონის და მისგან გამომდინარე კანონქვემდებარე ნორმატიული აქტების, საქართველოს სამოქალაქო კოდექსისა და საქართველოს კანონმდებლობის სხვა შესაბამისი ნორმებით.
- 6.2. ხელშეკრულება შედგენილია ორი თანაბარი იურიდიული ძალის მქონე ეგზემპლარად. თითოეული ეგზემპლარი გადაეცემა ხელშეკრულების მონაწილე თითოეულ მხარეს.

წინამდებარე ხელშეკრულების პირობებზე შეთანხმების დასადასტურებლად ხელშეკრულებას ხელს აწერენ:

შპს ევროპის უნივერსიტეტი	სტუდენტი
რექტორი	სახელი, გვარი პ/ნ
ლამა კანდელაკიშვილი	ხელმოწერა